



61.



DEO OPTIMO MAX.

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA.

QUOD LIBETARIIS DISPUTATIONIBUS,
*manè discutienda in Scholis Medicorum, die Jovis duodecimâ
mensis Aprilis, Anno Domini M. DCC. LXIV.*

M. JULIANO BUSSON*, Doctore Medico,
Præside.

Num in rescendis Artibus, carnis segmina reservare, salius?

I.



AUD infrequens humani corporis Artus rescandi necessitas, quò ceteræ partes satæ incolumesque servantur. Accidat membrorum ossibus fractura ἀλγιστὸν; eorundem musculis inflammatio, arteriis nothum aneurysma, superveniatque sphacelus; denegato Amputationis auxilio, cita mors occurrit. Insanabilis exedat ossa caries, vigeat lenta febris, alvi profluvium, macies & alia symptomata ab intus suscepto purè oriunda, donec, rescissum sit membrum mali fomes. Summâ frigoris vi quis corripitur, ita quandoquæ frigescent extremorum liquida, ut penitus coacta fuerint atque concreverint; sic desinente eorum cùm intestino tum progressivo motu acceritur necrosis; sic in algidis regionibus hyeme plurimi per nivem & glaciem iter facientes, vel in iis pernoctantes, naribus, digitis, pedibus orbi facti sunt; & nisi siderata pars à sanâ maturè sejungatur, brevi serpit, lege circuitus, ad præcordia lethale virus. Cruenta in infesto bello urgeant arma, multi post læsos fractosvè Artus, postremo die fata clauderent, nî solers Chirurgus auxiliares porrigeret manus. Porro circa ἀπορρησιασµὸν varii varias instituerunt methodos, inter quas quàm citiorem, tutiorem & jucundiorẽ comprobârunt ratio & experientia, eam præ cæteris seligere juvat.

* Auctore M. ELIA COL DE VILLARS, anno 1744

A

QUO citius, tutius & jucundius Chirurgica celebrentur opera, rescindendarum partium structuram callere operæ pretium est. Meminerit igitur Chirurgus Femur unico constare osse, totius corporis maximo & longissimo, fistuloso, medullâ referto, antrotrorsum curvo; Crus verò duobus fulciri ossibus, *Tibiâ & Fibulâ*, in utroque extremo simul junctis, in medio dissitis. Primum, quod & *Focile majus* audit, longum est, inordinatè triangulum, in medio concavum, medullâ repletum, interiorius situm, in cujus superiore & anticâ parte prominet tuberculum cui musculus Cruris extensorum tendones annectuntur. Secundum, *Fibula*, scilicet, vel *Focile minus*, Græcis Περὸν, Tibiâ minus, extrinsecus ipsi coextensum est. Articulo Femoris cum Tibiâ mobile apponitur os umbonis figuræ, *Patella* sive *Rotula* nuncupatum, peculiari ligamento, musculorumque tendonibus firmatum. Multi memorata ossa amplectuntur musculi variis exercendis motibus apti nati. Femur præsertim ambiunt anteriorius, interiorius & exteriorius quatuor *extensores*, *Gracilis*, nimirum, *Anterior* vel *Rectus*, *Vastus* cum *internus* tum *externus* & *Cruralis*; sex verò *flexores*, *Biceps*, nempe, *Semi-nervosus*, *Semi-membranaceus* *Gracilis internus*, *Sartorius* & *Popliteus* posticam & internam ejusdem ossis partem potissimum tegunt. Tibiam & Fibulam obvolvunt octo musculi; duo, videlicet, pedis *flexores* *Tibialis anticus* & *Peroneus brevis*, anticam Cruris faciem occupantes; sex autem *extensores*, ambo *Gemelli* sive *Gastrocnemii*, alter *externus*, *internus* alter, *Soleus*, *Plantaris* vel *Gracilis posticus*, *Tibialis posterior*, *longus* aut *posticus* *Peroneus*. Tres primi maximam suræ molem constituunt, & in validam cedunt Achillis chordam, quos inter, gracili tendone, descendit *Plantaris*. Cæterorum situs ex nomenclaturâ. Adde musciculum *membranaceum*, vulgò *Fasciam latam*, in anteriorem & posteriorem Femoris, externamque tibiam faciem, membranæ ad instar, expansam. Nec interosseum ligamentum Tibiam inter & Fibulam intermedium obliviscare. Hos breviter descriptos Artus alluit arteria cruralis, externæ Iliacæ soboles, sub abdominalium musculorum arcum exorients, in anticâ & ferè internâ ac superiore Femoris parte. Fasciâ latâ & solis tegumentis tecta. Post quinque vel sex transversos digitos iter pergens, mox profundior internam, subindeque sensim posticam, ad popliteum usque, partem legit, solâ hîc adipe & cute cooperta. Hinc bifida *anteriorem* largitur *Tibialem*, ligamentum interosseum perforantem, & *Tibialem posteriorem*, à quâ abscedit tertia arteria *Suralis* dicta. In venam Iliacam externam, reducem ab arteriis descriptis cruorem effundit vena cruralis. Nervus tandem cruralis cum arteriâ & venâ ejusdem nominis ex Abdomine egrediens, anteriorem & internam totius Artus partem, Ischiaticus verò posteriorem & externam, surculos hinc inde largiendo, lustrant. Cognitâ sic Femoris & Cruris structurâ, quoties alterutrum rescindere necesse fuerit, hoc opus facilius & tutius suscipies.

I I I.

VULGARIS rescandi Femoris aut Cruris methodus hæc est. Præmissis omnibus requisitis remediis, instrumentisque, ad id opus idoneis, ordine dispositis, ager in cubilis margine semi-supinus collocatur, in famuli brachiis innixus. Adjutores duo rescindendum membrum, Femur v. g. apprehendunt, firmiterque sustinent, alter, scilicet, partem superiorem, inferiorem alter. Super arteriâ crurali, infra ejus exortum, linteus imponitur globulus circulari splenio tres digitos lato continendus. Circa hoc splenium injicitur laqueus qui torculari extrinsecus ita constringitur, ut inhibeatur cruoris cursus; mox cute musculisqve, quantum fieri potest, sursum retractis, ad inferiorem Femoris partem alter admoveat laqueus, quò secandæ carnes firmiores stent, & post Amputationem deorsum deprimi, ac truncum facilius amplecti possint, ne secatur os longius promineat. Tunc Chirurgus extra membrum situs, cutem & carnes, infra secundum laqueum, cultro falcato, ad os usque in circulum scindit. Hinc adjutor, splenio semi-fisso, sanas retrahendo carnes sustinet, dum Opifex ferrâ primùm leniter, deindè celeriter, leviter tamen os defecat. Peractâ incisione remittitur torcular, ut exsiliens cruor arteriarum situm indicet. Rursus torcularis ope cohibito sanguine, circa detectas arterias curva utrinque trajicitur acus

ceratum ducens linum, quo hæc vasa ligantur unâ cum quâdam carnis portione vasorum tunicas, calcitræ ad instar, ab arctiori constrictione sili tutante, interjecto eâdem de causâ duplicem inter nodum spleniolo. Absolutis ligaturis longiora relinquuntur fila, ut extra fasciationem relevari possint & per suppurationem exsolvi. Cum huic operi subjicitur crus, excisis à Chirurgo, intra tibias sito, musculis, inrerossuâ ligamentum scalpello recto incidendum venit. Postea serrâ secantur ossa, à crassiori, Tibiâ, scilicet, incipiendo, hinc ambo simul incidendo, ita tamen ut Focile minus prius sit omnino refecatum. His peractis, ossium extremis sicci admoventur plumaceoli, amplumque sectis carnisbus linamentum vel nudum, vel pulveratâ terebinthinâ respersum. Solutis inferiori laqueo, cutis & excisi musculi deorsum deprimuntur, truncum, quantum fieri potest, cooperiendi causâ, & ne sursum recedant, duæ super linamentum decussatim applicantur teniæ, quæ emplastro glutinoso illitæ, cuti tenaciter adherent, cruciatifque spleniis continentur. Aptâ demum obvolvitur fasciâ membrum in loco idoneo reponendum, Solvitur interim torcular: at ne superveniat hæmorrhagia, laxeturque fasciatio, adactâ ministri manu, totus per aliquot horas fulcitur apparatus. Hæc de Brachio similiter dicta sint. Verum amputatione sic celebratâ, diatâ & venæ sectionibus ritè adhibitis, vulnus, nisi intra duos, tres quatuorvè menses, sanari non solet, & præterquam quod diutius protrahitur curatio, cutis & musculi, elatere suo sursum retrahi perpetuò nitentes, mutilatum membrum osse prominente, denudatum ferè relinquunt multis obnoxium incommodis. Aliam igitur decurtandorum Artuum methodum inquirere satage. Nullam autem invenies aptior rem eâ, quâ cutis & carnis segmenta, refecato trunco aptanda, supersint.

I V.

EX dicendis tibi manifestò patebit in Artubus refecandis carnis segmina reservare satius esse. Sed ut sis votorum compos, antequam susceperis opus attento animo perpendere necessum habeas, utrùm huic ferendo pares sint agri vires; num sphacelo totum afficiatur membrum, aut alio lethali morbo sit corruptum; inutilis siquidem & irrita foret amputatio; num tandem absque membri jactura succederet sanatio. His itaque consideratè pensatis eversione statimâ, suo quibuscunque loco dispositis, præmissisque præmittendis generalibus auxiliis, si Femur v. g. secare necesse fuerit, sic ad opus te accinges. Sanguinis circuitu, torcularis ope, cohibito, adjutores duo membrum firmè contineant. Tunc arcepto manu scalpello recto septem circiter pollices longo, sex lineas lato, dorso sursum spectante, extrorsum collocatus, mucronem ejus ad os usque adiges, in anteriori Femoris parte ubi secandum est os, quatuor scilicet, supra genu transversos digitos. Cum os pertigeris, scalpellum in ejus latus inflectendo, posticos quoque musculos & ipsam cutim transfiges, deorsumque secando duces instrumentum per digiti transversî longitudinem; mox extrorsum obliquè incidendo, cono simile formabis segmen eâ longitudine cæsum, quâ cum altero fingendo accuratè adaptari possit. Dein adactò similiter scalpello aliud ex altera ossis parte segmen secato. Ambobus segminibus, fissi splenii beneficio, sursum elatis, quod carnis relictum fuerit, ipsummet Periosteum scalpello incurvo circumcide; os exinde, ut supra, serrâ defeca. Fragmenta, si quæ supersint, *incisoriâ* Forcipe confestim deme, ne carnes pungant lædantque. Mox ligatis solito more vasis, deflexis infra posteriorem insecturam ligaturarum filis, ac vulnere egelidâ aquâ eluto, segmenta sine mora solerter accommodabis, inter se & truncum ut hæreant. Vulnere secundum ejus longitudinem siccum impones plumaceolum, & latum extremo membri linamentum admovebis, operiendum ac continendum fissis spleniis, glutinoso emplastro illitis, quorum extrema cum superiori Femoris parte decussatim conglutinabis, futuræ ad instar siccæ, apparatusque fasciatione idoneâ, & laneo vel coriaceo firmabis pileolo. Truncum tandem, admotâ ministri manu, per aliquod tempus premi curabis, ut intimids in hærescant carnes, obturenturque vasa. Denique solvatur torcular. Eadem methodo fiat Cruris Amputatio, servatis in superiore corollario prædictis cautionibus. At deficientibus in anteriori parte musculis, tegumentis hic

transversim sectis, ad utrumque latus segmina fieri juvat; haud prætermittenda inter-
ossei ligamenti accuratâ sectione. Quidam unicum ponê Tibiam & fibulam cæsum
segmen sufficere autumant; hos nec in Cruris, nec in Brachii decurtatione vitupe-
randos censemus. Iis omnibus ex arte adhibitis, solitâ & idoneâ curatione institutâ;
diatâ & venæ sectionibus non omisiss, lætus videbis intra decimum octavum præter
propter diem integram vulneri supervenire sanationem.

V.

JAM nunc dubius & anceps hærebis utrûm hæc decurtandorum Arruum ratio
sit vulgari præponenda? Perpende quot inde sint agris emersura commoda.
1^o. Quidem multo citior est sanatio, imò nullâ superveniente ossis exfoliatione;
cùm ex vulgari methodo ad res quatuorve menses aut amplius curatio prorrahatur,
relictis plerumque ulceribus curatu difficillimis, quorum in sanguinem refluens
pus febrem lentam, diarrhæam, marasimum, ipsamque mortem producere pote
est. Adde quod collisus nonnumquam renoverur ulcus. 2^o. Aptè reposita segmina
sibi & ossi facili negotio cohærent, truncum obvolvunt, operiunt; sicque reser-
vata caro mutilatæ parti pulvinaris loco est, & sine molestia, Crure amputato,
artificialis Cruris ope, incedere, currere, genu flectere & extendere pro lubir
valet æger. Contrâ aliâ rescindendi ratione secatum os neuriquam tegunt muscoli,
quin sæpè sæpius extra carnes longè prominere, non parvum incommodum gressui
daturum. At inquires ἀπορρησιμὸς per insitionem insitui minime videtur quin gan-
grenæ, vel saltem periculosa suppurationi detur ansa; abscissæ quippè carnes non
ira sibi invicem & mutilato trunco cohærere, nec conglutinari possunt nisi spatium
quoddam relinquatur excipiendis aptum stillantibus liquidis, mox stagnaturis &
brevi corruptelam suscepturis. Verùm si ad promptum illud & mirandum naturæ
opus attendas in partibus sibi invicem agglutinandis, licet à se longè diffisis, in
restituendis y. g. leporinis labiis, etiam maximè distantibus, in refarciendis de-
curtatis naribus, &c. omnis facili vanescet merus, modò vulnerata recenter labra
sanguine madentia & sana, ad invicem proximè jungantur, ac idoneâ fasciationis
beneficio, & comprimentæ famuli manu, probè conjuncta servantur. Urgebis aut
non obstaculo erunt exorescentiæ seu exolitoles quæ in homine vegeto observantur
aliquando è trunco emergere? Succus enim nutritius ex ossibus sectis perpetuò de-
fluens, hæc producere potis est exorescentias quæ conservatam carnem pungendo;
incedenti nocivæ admodum forent. Respondemus accurato apparatu apprimâ tenace
huic incommodo præcaveri. Solutis igitur prædictis difficultatibus; consideratis
verò commodis ex proposita methodo oriundis, nulla sequenti potior conclusio,

Ergo in refecandis Artubus, carnis segmina reservare, satius.

DOMINI DOCTORES DISPUTATURI.

M. Hugo GAUTHIER.

M. Simon VACHER.

M. Joannes-Baptista-Ludo-
vicus CHOMEL, antiquus
Facultatis Decanus & Me-
dicus Regis ordinarius.

M. Ludovicus-Gilbertus-Ale-
xander BOYROT DE JON-
CHERES.

M. Cosma-Augustinus
LEZURIER.

M. Hyacinthus-Theodorus
BARON, antiquus Faculta-
tis Decanus, nec non Castro-
rum Regis in Germaniâ &
in Italiâ Proto-Medicus.

M. Carolus SALLIN.

M. Nicolas JEANROY.

M. Ludovicus-Maria POUSSÉ,
Eques & Censor Regius.

Proponebat Parisiis PHILIPPUS QUERENET, Viennensis, Doctor
Medicus Monspelienfis, necnon Saluberrimæ Facultatis Medicinæ Parisiensis
Baccalaureus. A. R. S. H. 1764. A SEXTA AD MERIDIEM.